



Universitätsbibliothek Paderborn

**Acta Vitæ S. Ferdinandi, Regis Castellæ Et Legionis, Ejus
Nominis Tertii**

Papebrochius, Daniel

Antverpiæ, 1684

§. II. Berengariæ matris S. Ferdinandi, præ Blanca matre S. Ludovici,
primogenitura ab auctoritate probatur.

urn:nbn:de:hbz:466:1-42333

• DE S. FERDINANDO⁹ REGE

§. II. Berengariæ matris primogenitura, ex ea que jus Ferdinandi ad regnum Castellæ, auctoritate probatur, cique contraria expenduntur.

^{Mater Be-}
^{rengaria an-}
^{primogenita}
^{Alphonſi}
^{fuerit,}
^{dubitare re-}
^{centiores et}
^{iam Hispa-}
^{ni:}

Ferdinandum Regem divinitus concessum Hispanis fuisse, ut possumus credere, nihil opus est eo quod supra rejectimus presagio. Satis clare id demonstrant armorum ejus contra Mauros successus, quibus fidem simul & regnum amplificavit; nec non vita sanctitas, qua celestes honores apud posteros meruit; felicior in uno, in altero similis consobrino suo, Ludovico IX Francie Regi, qui gerendis contra Saracenos armis Sancti quoque nomen & cultum promeruit. Etenim duo hi sanctissimi Reges, duarum sororum Berengariae & Blancae, ab Adelphonso IX Castelle Rege progenitarum, filii fuerunt; sisque moribus simillimis demonstrarunt, similem prorsus educationem se hauſiffe, ex simillima virtutis genitricibus: quas inter eorumque filios nulla scitur fuisse de regno contentio. Nata ea primum sub nepotibus est; qua partium jura sic fuerunt confusa, ut nunc etiam dubitetur, an Castella proximiori successionis jure ad Ferdinandum, an ad Ludovicum pertinuerit; quia dubitatur, ultra ex matribus prior nata sit. Quin etiam duo magni nominis scriptores Hispani, Garibayus & Mariana, licet successionem Ferdinandi ut justam tueantur, scrupulo sibi nulli ducunt Blancam majorem natu agnoscere.

9 Hoc tamen ut recipiam sine cunctatione, obstat gravissima duorum coevorum scriptorum auctoritas, praeominatorum scilicet Lucae Tudensis & Roderici Toletani; qui rem aucto recentis memoria & coram oculis suis versatam, nec ignorasse potuerunt, nec sperare quod sponte mentiendo obscuram eam ac dubitabilem posteris facerent. Spondanus quidem in Continuatione Annalium non veretur scribere ad an. 1217 num. 12 ab eis magis ex studio partium, quam ex fide positum esse, quod Berengaria pri-

primogenita fuerit. Sed quam vehementi partium studio Spondanus ipse subinde abripiatur satis sciunt Franci. Quan-
tumcumque tamen in hoc excesserit, numquam credam ipsi ^{affirant eam} avi,
sat frontis futurum fuisse, si forte ejus etate contra Ludovicum XIII Regem prævaluisset factio Procerum, Gastoni
ni ejus fratri Regineque Marii Mariae de Medices adha-
rentium, ut auderet comminisci, non Ludovicum, sed
Gastonem, fuisse Henrici IV primogenitum, mendacio-
ne quidem ipsis factiosis tolerabili futuro. Quare nec velim
sanctissimis duobus Hispanie Antifitibus tam impudentis
fictionis crimen impingi; sed quando alia deessent omnia
ad ipsos justificandos argumenta, malem credere, eorum
libros fuisse audacium interpolatorum manibus adulteratos,
diu post mortem ipsorum: sicut necessario cogimur fateri
Roderici Palentini scriptis accidisse, ne de eadem re scrip-
fisse contradictoria arguatur.

10 Castellæ Nobiles, inquit Tudensis, Regnum Be-
rencariae Reginæ tradiderunt, eo quod erat primo-
genita Adelfonsi. Toletanus vero, postquam lib.7 cap.
24 dixisset, quod Adelphonus Castelle Rex Conrado, fi-
lio Imperatoris Frederici, quem cingulo militari accin-
ixerat, filiam suam primogenitam Berengariam de-
sponsavit: lib.9 cap.5 de S. Ferdinandi successione
acturus, scribit, quod Magnates & Milites Castellani,
communi consensu, Regnum Castellæ fidelitate de-
bita nobili Reginæ, scilicet Berengarie, detulerunt;
moxque addit: Ipsi enim, decedentibus filiis, cum
esset inter filias primogenita, regni successio debe-
batur, & hoc ipsum patris privilegio probabatur, quod in armario Burgensis Ecclesiae servabatur: &
etiam totum Regnum, antequam Rex haberet fi-
lium, bis juramento & hominio hoc firmarat. Posset-
ne tanta esse impudentia cuiusquam, ne dicam. Antifiti
forsitan octogenarii, & prima in Regno auctoritate conspi-
cui, que intra quatuor lineas totidem comminisceretur
mendacia, omnium qui tunc in Castella vivebant manibus
palpanda?

^{Tudensis, &}
^{Toletanus.}

*item Ruder.
Palentinus
uno loco,*

11 Toletano & Tudensi *manifesto inhæret* Rodericus Palentinus, parte 3. cap. 30 sic loquens: Ferdinandus in regno Castellæ *successit*, ex D. Berengaria, filia primogenita inclitissimi Regis Castellæ, sine liberis masculis *decedentis*; itaque regnum Castellæ dictæ D. Berengariae naturali optimoque jure *debebat*. *Fieri non potest ut hæc legerit Spondanus, & tam asseveranter (uti facit loco præmemorato) asseruerit, Palentinum in contraria prorsus stare sententia.* Malim opinari alienæ, nec bone fidei temere ipsum credidisse, quod aliud hac de re nihil apud Palentinum *legeretur*, quam verba quæ inveniuntur parte 4. capiti 4 addita, ad persuadendum, quod Ludovicus fuerit filius D. Blancæ, primogenitæ Alfonsi; econtra vero Ferdinandus filius Berenguelæ, filiæ secundo natæ Alfonsi prædicti. *Vnius ejusdemque auctoris esse nequeunt due tam ex diametro contrarie sententiæ oportet ingitur ut locus alteruter spurius sit & adulterinus.* Hoc autem de posteriori suadet nomen Beringuelæ, ex vulgari recentiorique usu scriptum præter morem Palentini, toto historiae sue decursu *sepius & constanter* Berengariam scribentis. *Adde quod prior locus medio in contextu reperiatur, loco omnino suo, ubi non ita facile est per additiones auctorem aliquem vitiare: posterior vero extra contextum in fine capituli positus sit; ac verosimiliter ab aliquo Francicarum partium studioso solum adscriptus margini, deinde per librarii sociordiam textui ipsi adjunctus, vel in aliquo ejus Ms. vel saltem in vulgata impressione.*

Neque obstant epistola Procerū Blancam inscripto Tit. 1. inventantur novem epistola Castellanorum Procerum tenoris ejusdem, ad Ludovicum VIII ejusque uxorem Blancam, quibus ipsorum filium Regem suum esse declarant; eumque ad se mitti petunt, eo quod Alfonsus Blancæ pater testamento suo voluisse Henrico filio, absque liberis masculis *decedente*, succedere iure hereditario filios Ludovici & Blancæ. Sed hoc, si non fuit Alvari Comitis & factiosorum illi adhæretium figmentum (nec enim

COMMENTARIUS PRÆVIUS. 9

enim ipsius testamenti id jubentis exemplar miserunt, sed videntur voluntatem verbis solis indicatam pretendisse) hoc, inquam, si vere scriptum est; ut summum probaret Alphonsum, irritam fecisse voluntatem primam, publico instrumento duplicitate homagio ante annos circiter triginta confirmatam, ut scribit Toletanus. Hoc autem fecisse potuit veluti jure suo ^{prætexendo} utens, ne Castellæ Regnum devolveretur ad Ferdinandum, ^{ultimam} Legionensis regni natum designatumque successorem; adhuc voluntatem sub patris arbitrio constitutum, & sic victoribus sapientis Castellani dominarentur Legionenses, ab ipso victi alias semperque infensi: sicut ex eadem causa Alphonsus Legionensis, aduersus eundem Ferdinandum filium suum, jam Castellæ Regem, filiabus ex priore thoro natis regnum legavit, nolens illud subiici Castellanis: quod æque successu carnit, sicut æque injustum fuit.

13 Virumque tamen utriusque Alfonso tam potuit justum videri, quam postea utrinque ex S. Ferdinando nepos ac pronepos Alphonsus X justum esse putavit, exheredato filio suo Sancio, substituere ex filio Ferdinando premortuo & Blanca S. Ludovici filia nepotes. Hac autem dispositio Alphonsi X vera & unica fuisse videtur causa & origo dissidiorum, inter Francie Regem Philippum Blancam istius fratrem & predictum Sancium, non obstante ejusmodi patris voluntate receptum à Castellanis. De quorum juribus cum disceptatur, & primogenitura & titulus in Ferdinandō, Blancae ju- ^{Ptolomei}
^{Lucensis er-}
nioris marito, prætenderetur à Francis, nihil facilius fuit, quā ror unde na-
ut posterioris etatis scriptor quissiam exterus (qualis Ptolo-
mæus Lucensis fuit, qui seculo XIV floruit in Italia) incerti
rumoris arriperet aliquid, inter similia Blancarum, Ferdi-
nandorum, & Alphonsorum nomina palpabundus. Quod autem Ptolomeus iste Lucensis, tam in excusis Annalibus ad annum MCCXIV, quam in Historia Eccles. Ms. lib. 21 cap. 15 &
16, sic errasse potuerit, nec solum Berengaria Seniorem facere Blancam, sed etiam graviori memoria lapsu in practicata Ms.
Historia dicere, in pactis matrimonialibus additum fuisse,
quod si moreretur Rex sine herede masculo, Blanca in
regno succederet: quod, inquam sic errasse potuerit Ptolo-
mæus,

DE S. FERDINANDO REGE

mensus, nemo mirabitur, qui intelliget quomodo XIX Maij, in
Sylloge historica de S. Petro Celestino n. 22 videbimus eum
in assignando mortis anno, ad totos novem annos potuisse de-
cipi, tunc, cum res in Italia agebatur, vivens ac scribens, sed
longius forsitan Roma absens ideoque facilius deceptus.

§. III. Berengariæ multo major quam Blancæ
fororis ætas chronologice demonstratur.

14
Seniorem
Berengariæ
fuisse

Relatis expensisque auctoritatibus, quibus nituntur
quotquot primogenitur & prærogativam Berenga-
riæ assertam vel ademptam nunc volunt, si porro
Chronologicas rationes velis consulere, omnes in-
venies pro Berengaria contra Blancam stare. De
Berengaria leges apud Toletanum lib. 7 cap. 23, quod cum si-
mul Alphonsus Rex Legionis & Conradus Frederici
Imperatoris filius militari cingulo ornarentur ab Alphon-
so Castellæ Rege, ipsa eorum alteri, scilicet Conrado, fuerit
desponsa; sed cum nolle abeunte sponsum in Teutoniam se-
qui, à desponsationis istius vinculo absoluta fuit per Archiepi-
scopum Toletanum Gundisalvum & Apostolicum Legatum
Gregorium. Quo id precise anno factum sit, non constat;
uti nec quo anno etatis sue regnare cœperit Legionensis Al-
phonsus: cingulum tamen militare suscipiens, non ponit
adolescentiam excessisse. Cum ergo regnare cœperit anno
etiam chro- MCLXXX, non videtur eâ ceremonia differri posse ultra annum
nologica ra- MCI XXXV, quippe qua facta sit circa principium regni sui,
tione evin- ut ait Toletanus. Idem deinde Terasiam Lusitanam duxit
citur, sub Pontificatu Clementis III, eoque & successore Cœlesti-
no III nequidquam divorrium imperante, uxorem habilit
saltem usque ad annum MCXCV; ac rursum simili se difficultati
implicuit, ducendo prædictam Berengariam, quæ eidem pe-
perit filium Ferdinandum anno MCXCVIII, utique jam an-
nos nata ut minimum viginti quatuor vel sex, ut pote anno
MCLXXXV jam nubilis, adeoque nata circa an. MCLXXIII, &
marito suo annis non multis junior. Ista autem soleritudo de
maritanda Berengaria, quam demonstravit pater totis XV
annis